

ŽEMAITIU ŽEMĖ

ŽEMAIČIŲ KULTŪROS
DRAUGIJOS IR ŽEMAIČIŲ
AKADEMIJOS ŽURNALAS
1994

NR. 1

REDAKTORĖ
DANUTĖ MUKIENĖ

REDAKCIJINĖ KOLEGIJA
Adomas BUTRIMAS
Jonas BUKANTIS
Stasys JONAUSKAS
Stasys KASPARAVIČIUS
Juozas PABRĖŽA
Juozas VYŠNIAUSKAS

x x x

Leidžia Klaipėdos "Ryto"
spaustuvė, Baltijos pr. 10, 5799
Klaipėda.

Duota rinkti 1993 11 30.
Pastrąšyta spaudai 1993 12 18. 2 sąl.
sp. lankai. Formatas 60x90. Užs. Nr.
2659. Ofsetinė spauda. Tiražas 3000
egz. SL 781.

Viršelis RŪTOS PUZONIENĖS

REDAKCIJOS ADRESAS:
DRUSKININKŲ 20-102, PA-
LANGA, 5720, LIETUVA.

Kaina 2 litai.

Žurnalas išleina vieną kartą
per ketvirtį.

x x x

Pėrmamė žornala vėršėlie —
paminklos ŽEMAITĖE Vėlniu.
Skulptuorios ALEKSAN-
DRAVIČIOS Petros, arkitektaa
Algimants ir Vytauts NAS-
VYTEE.

ALEKNAVIČIAUS
BERNARDA
puortėgrapėjė

“ŽEMAITIU ŽEMĖ” —

“A MON SAKAA?” IDIEJU TEESINYS

Žmuogaus, kūrėnė, leidėnė gėmėms... Tou, pėrmoujo muomėnto, žuodiu mažiausee reek. Reek stėpriū, švelniū žmuogaus ronku, geruos šėrdėis, gyvenėma patyrėma, kontrė darba ir laika, ka tas mažos stėbūklos, katros išvyda kù tik pasauli, sustiprietom ir leltom i mūsa gyvenėma subrėndėis, vėsū laukams ir gerbams.

Žemaitiu kultūras draugėjės redakcėjė, 1991 metu gegožės mienesi skaitytuojems paduovanuojusi pėrmoujė žemaitėška laikrašti “A MON SAKAA”, vėsa tou laika skynė kieli spausdintam žemaitėskam žuodiu, iruodė, ka ons ni kėik nler prastiesnis kaap kuoks kėis. Reek tik turietė kontrybės anuo muokytėis. Muokytėis ne tik skaitytė, bet ir rašytė žemaitėškaa.

Žmuogos aug. Auga ir mūsa laikraštielis. Atejė laiks anam ir drabužėlius užvėiktė, keistė žemaitėška leidėnė porma ir turinl.

Preitū metu rogpjūtė i dėina vykosemė Žemaitiu kultūras draugėjės ontramė sovažlavėmė karto so tuom dėinuom Varniūs ikortuos Žemaitiu Akademėjės vaduovaas bova nutarta leistė bėndra žemaitėška žornala. Anou pavadėnuom “Žemaitėjė”. Bet... Tuokio pavadėnėmo Lietovuo jau bova leidams laikraštis, dėl tuo teep pavadints išėjė tik vėns žornala numeris. Ons bova skėrts S. Daukonta 200 metu sokaktee. Žornals, katrou pradėdam leistė šees metaas, vadinsės “ŽEMAITIU ŽEMĖ”.

Nu 1941 metu bėrželė lig 1944 metu lėipas mienesė Telšiuūs bova leidams savaltraštis “Žemaičių žemė”. Pradiuo anou leida Lietoviu aktyvistu fronts, paskou (nu 1941 metu rogsiejė 6 dėinuos) — Žemaitiu kultūrėnė veikėma cėntrs. Faktinis savaltraštė leidies ir redaktuorios bova K. Muockos. Redakcėjė kuožnaas metaas dar liuob išleistė ir pu Žemaitiu kalėnduorio, išspausdėna K. Muockaus parėngta leidėni “Žemaičių kankiniai” (1942).

Mūsa redakcėjė rūpinsės, ka būtom perimtas geriausės bovosė laikraštė tradicėjės, bet naujlesis leidėnys — tiesiuogėns ne savaltraštė “ŽEMAIČIŲ ŽEMĖ”, vuo laikraštė “A MON SAKAA” tradicėju teesies.

Pradiuo ons būs leidams vėina karta per tris mienesius. Stuoruosemuos, ka so laiko ons skaitytuojus ir tonklau lonkytom. Lėisem ir kėtus leidėnius.

Vuo dabaa diekavuojem vėsėms, kas prisidiejė leidot šy žornala, parlemė anuo leidėma idiejė: Lietovuos Respublėkas Kultūras ir švėitėma ministerėjee, “A mon sakaaf” laikraštė bėndradarbėms, skaitytuojėms, Žemaitiu kultūras draugėjee, Žemaitiu Akademėjee.

Žornalė publikacėjės parašytas žemaitiu ir bėndrėnė Lietoviu kalba — ni vėina nenuorem atstumtė nu savės, jee tik ons iduomaujės Žemaitėjės istuorėjė, kalba, kultūra. Būs laikraštė ir skyrtos “A mon sakaaf”.

Žemaitiu gramatika dar tik pradėdama rašytė. Mes sava darbė nauduojemies 1991 metaas šiaulėskė žemaitė PABRIEŽAS JŪZAPA išleistaas Žemaitiu rašybas pagrindaas.

Redakcėjė tėkas, ka žornals patrauks skaitytuojus, ka ons lonkys kuožna tėkra žemaitė ir mūsa krašta mylietuojė nomus. Stuoruosemies, ka ons patėisintom Tamstu lūkestius, pasakuotom aple Žemaitėjės žmuonis, anū darbus, krašta, istuorėjė, kultūra, tradicėjės.

MUKIENĖ DANUTĖ
Redaktuorė

